

PATRIE DAL FRIUL

SFUEJ SETEMANAL INDIPENDENT

DIREZION E AMINISTRAZ. - UDIN - BORC DI PRAMPAR, 10

ABONAMENT: Par duf chest an . . . 350 fr. Par sis mès . . . 230 fr.

Une anade senze storie

L'an passât, a chest'ore, due' si nulle tal aiar il crac de uera. I tedeschi, i cosaci, i repubblicani 'e vevin la muse ledrôse; la int di spirt libar 'e sintive che cu la viarte e cu la prima rousita 'e veve di spari chê maladison che da cinc agns nus stave sul cjal. E la speranza, chestê iluzion virtuose, nus fassava pensâ anje chel che no si varon vût di pensâ nê di pretindî.

Ma dopo la vitorie dai Aleas, dopo la ritirade dal muc e la disfate totali di un esercit, di une forme di guviâr e di un sion imperialistic fôr di fase, al scomenar anje par nê il rosari des disilusions.

Si pò di in quatri peraulis dut chel che la stampe 'e a dit su mîs di sfuej in tressinte e sessante zornadis: « Rivede la pîs, ricognoschis i nestrî cunfins... No, i cunfins no semêjn dal dut sigûr e la pîs 'e va pes lungje... Ma dentri dal an 'e rivarê e anje 'e sarê metude in pîs la gnova cunstistuzion... No, anjemò nol è pussibil, 'e al pacifisme, prime lis elezions comunales... Parâtri 'e varin par intant un pat provisori, un «modus vivendi»... No, no je vere, la pîs cu l'Italie 'e vignarê tratade prime di dut...

E via indenant: us al, doman no, passandoman al semês. Ma, se si pò cu lis battis incioçê il popul o almanco parâtri stôr, no si met in seet ne l'industrie nê i alars nê il comerçio.

Oni se mai se i Comitês di Liberazion, se i partis, se il guviâr s'incubârîn che si va a remengon ogni di plui, che si spint simpri plui a che, lavorant onestamentri, no si cjape mai avonde? Che a fuisse di ciarê stampade e di bielestis paraulis si cûviârîn i mûrs, ma une laire sui balconis sfondâr anjemò no je stade metude?

Intant, par restâ dentri dai cunfins de Furlanie, sessante mil di ocupâr 'e an passât un inviâr di fan; i pais brusâr o devastâr 'e son, pœc sù, pœc jù, tes cundizions integris di un an indaâr; Udin 'e le mîsre sdrumade come che la lassârîn i mucs... se no elamin ricostruzion l'intassament dal radi-nâr, lavôr comandât dal aleas pu viabilitât dal lôr trafic... (E ce dura che je di rivâ chesta risurrezion de zità, dopo mai che an taot a nuâ glorie!)

Ah, sigûr: s'ò matessin a boll te cite lis cjacarie e lis promessis dai caporions, lis polemichis dai avvocats nostrans su pai sfuej, i cunfins e i contraditoris e lis lezioni di duntirze che i galopins d'ogni color 'e corin a fâ par pais e zitàs di qualchi mês in ca, si vignares fôr un paston par imbeconâ dute la Furlanie.

Ma il popul ch'a nol è dut un trop di ôcs, nol il pastons: al è stur, sfiduciat, nol crôt nûje e di nissun. Al è dibant tirâ fôr altris quistions par disioçê l'atencion,

par l'atencion; al è dibant e al è mâl semênâ altris odios par-ore duf il valen che a lassât la nere; al è dibant avistulâ bandieris, intant che une mânia di furbos 'e romê l'altin toc di croste restade tal cûl de cjalderie vuide.

Al è passât un an de liberazion: un an che nol lasse nissun vôr segno di ripress: un an senze storie te storie di chesta pîs intrigade.

Puare Patrie furlan! Ce si podarêssal fâ par sclarî il voil, par avevê di chest sion apâtio, par alnâ di code? Zovêssal almanco sejanmâ l'aghe dal storn e abertâ tes orellis: Anin, mo, via: metin a fâ alc; finale di jessi cugnê, interessât ognidun par sê, dividûs par due' i viars; imparin a judâi tra furlans, senze spietâ altris jutoris che no rivarîn mai; no stin a fâ come lis âs che d'unviar 'e muerin di fan, parê che si soss lassadis puartâ vie di che'altris la mil: difandin la nestre mil, molin qualchi bocade a chej che une vegin a puartâ vie; dividinle tra furlans, di besol, vivadin!

L'autonomie in Val d'Aoste

Si pò di che in Val d'Aoste — tan'che in Friul — si sedi simpri fate sinti une tendenze a l'Autonomie; ma 'e coventavin lis arrangiadis dal decentrament lassât par diamovi pulit chesta tendenze e fâlê diventâ une vere necessitât in mîs a dut il popul. Il tratament che il Regime al doprave cu lis regions di cunfin al è viart i voi sui difies che no jerin neman dal Regime, ma di dut il sisteme unitari talian. E cussì une part dai Valdoostans, si è metude tal cjal di no contentâs plui di une transazion amministrative, ma di domandâ l'apession de valade a la France. Chablôs, un coragjôs militât di uero, si metê a capo dal muviment clandestin; al fo scuviart e al sarê stât fuailt dal sigûr, se nol ves vût il fiât di bustâi ju dal tiars plan de Caserme Chiarlo e tovasse.

A Rome al coventâ un biel piez di timp par capi ee che voleve chesta int: come in Sicilie, si crodeva di podê cujetâ dut un tun colp di fuarze. Ma chê de fuarze 'e je une robe passade di mode, 'e sperin par simpri.

Il guviâr, qualunque guviâr talian al è chel ch'al pò jessi. E cussì Parri al scugnî, il 7 di Setembar dal an passât, fâ il decret di concession da l'Autonomie Valdoostane. L'aplicazion definitive si è vude il 10 di zenâr di chest an, cul meti in cariche definitivamentri il Consêj di Vale-

de. Chest Consêj al è plene autoritât su due' i afâs e interes de region, e al è formât di vine' e cinc rappresentanz: president al è il prof. Fidri Chabod, vice-president l'avocat Caveri.

Cheî che vevin criticât Parri par chesta concession 'e an scugnût voltâ pagine o stâ cidins: De Gasperi al è ratificât lis no-minis e la situazion 'e je diventade definitiva.

A chei che no àn anjemò capît

Versamentri nus pareve di vê clarit avonde il nestrî pensîr su la quistion de Region Julie, tai cinc numars precedenz. Ma 'o vin propri l'impressione che il furlan al sedi une lenghe une vore dure di capî, in zornade di nê. Viadin s'ò podin fâi intindî chesta volte.

Noaltris 'o sin furlans fin te medole dai ues e 'o considerin il Friul, de Livenze al Timaf, come une region che sta par se, che a cundizions geografiche, e economiche, spetâle, lenghe, tradizions e socje etnografiche avonde diferent da ogni altre region taliane o no taliane, e che a interes particulari di difindî. 'O sin persuadûz che l'idêe unitarie, la politiche tributarie praticade da Rome dal 1866 in ca, e l'invasion di int foreste, favorite cu la scuse de l'unificazione nazional, e vevin puartât une vore di malfâs al Friul, e prime di dut la necessitât de l'emigracion che prime dal '66 no si jere mai fate sinti quasi nuje.

E par chestis recons 'o sin persuadûz ch'al sedi il moment di domandâ e di pratindî l'autonomie plui largje pussibil, par che la Patrie dal Friul 'e puerdi svilupâ dutis lis sôs risorse e salvâ i siei interes senze imberdeamentz burocraticis, senze ostruzionismis, senze ritard e senze sfruttamentz.

Chesta autonomie e restarea, come che la storie e la geografie 'e domandin, tal quadri de l'Italie e magari sot di une garanzie internazionale, par vie ch'ò si cjatin sui cunfins di altris nazions e che, in zornade di ur, i tratiz 'e son bleca di cjarte. I sgambis di gjenars e di lavôr 'e dovarêssin jessi regolâr da organs nestrîs, secont la nestre dibisugne e il nestrî torneront — come che si fâs pardut il mont. I partis politiche talians, come che son implantâr nê, no puerdin cundividi chest ideâl, parê che an il lôr centro fôr di ca, e par chesta reson nê si proclamin indipendenz, no siarvin a nissun partit; no fâin naneje uere e nissun in particular, ma 'o invidin i furlans a cjatâ une forme di intese parsore dai partis pal ben dal Friul, sigûr che, se no si scomponin noaltris pe' nestre tiare, nissun mai no si scomponarâ.

Triest e l'Istrie no fasin part dal Friul e quindi 'e restin fôr de nestre visul autonomistiche,

come Vignesi, come Firenze e come Palermo. Chest nol ûl di che nê 'o vevin gust che vadin a finile mâl, parê che o savin che la 'e vivin tanc' talians e anje furlans. Ma 'o sin persuadûz che — magari cussì no! — il lôr distin nol dipent di nê, ne des nestrîs cjacarie, ne des nestrîs adizions. 'O sin convins che chestis dimostracions nu pesaran nuje su la belanze internazional, che varâ sui plax altris argumenz e sarê regolate da altris calcul e da altris consideracions. Ma in nissun mût nu sarê pussibil pardut une division etnografiche nete, secont lis razis — messedadis come che son — e alorê chestis dimostracions tant di une bande che di chê altre, stizzant il fûc de l'odio razzist e nazionalist, 'e preparin rancûrs e svioldis, 'e comprometin simpri plui il doman di chei pais dulê che inevitabilmentri talians e eclis e scugnaran vivi insieme, o sot di un paron o sot di che altri.

Metint il cûs che lis provincie di Udin e di Gorizze 'e vessin di jessi cunprimidus in unitât autonomistiche cum Triest, come «retroterra» dal puart — supo-

sision che no savin, par cumò, ce fondament che puerdi vê — noaltris no podin erodi che sarê une furtune par nê, per vie che Triest al podarê jessi simpri ogjet di bramis e di competizions e parê chê, naturalmentri, une grande sitât, senze risorse di produzion, che pò vivi come cul trafic e che doventarê, voc o nê, la capital de region, 'e scugnârê par fuarze incanalâ la vite economiche dal Friul secont lis sôs necessitâts. E po' chest «retroterra» al sarê simpri masse ristret par dâ respîr a l'ativitât di tante int. In conclusion chesta no nus pâr une soluzione che sodisfâ e che puartî vantâz nê par Triest, nê pal Friul. Triest al pò vivi e stâ ben nome in tune cò autonomie cul puart franc e cul so muviment regolât da acordos internazionaj. Si capia che anje lis cundizions etnichis e storichis, e no nome chês economiche, 'e an il lôr pîs; ma la staderie la an in man i parons.

Chest al è il storn di dut chel ch'ò vin scrit sul argument e che due' 'e varesin vût di capî, anje sot il vêl di qualchi vivacitât polemiche che, dal rest 'e jere stade provocade.

Che fevelin i furlans

Un referendum

D'ogni bande nus vegin espressionis di consens o di discons sul cont dal muviment autonomistic rappresentât da chest sfuej. E nus vegin anje fatis domandis su la forme e la misure positive de l'Autonomie furlane che noaltris 'o vorevissin realizâ. Ma une precisazion di chest gjenar no pò jessi fate da quatri o cinc di nê: sino o no sino in clime democratiche? Ce sono i redatôr di un sfuej regional, par imponi a un milion di furlans la lôr impinion?

Noaltris 'o credin d'interpretâ un sintiment, une voluntât, une dibisugne sintude dal popul furlan in grande majoranze, domandant l'autonomie plui largje che sedi pussibil in zornade di ur; ch'al ven a staj alc di plui e di mîej di chel decentrament amministrativ che, plui a mancul timi-

stiche dal Friul. Fôr che vegin chestis idêis! Chest al è un sfuej independent: ogni impinion 'e pò cjatâ ospitalitât, baste che no mîdin di chês strambariis che podarêssin mandâ la direzion a fâ un fregul di terapie reumatiche te cja se di cure di Bore Spalato. Noaltris 'o invidin due' i nestrîs letôrs a fevelâ liberamentri e sinceramentri su chest argument. Ano tal ciâf nome un decentrament amministrativ, o adiritare une sistemazion federalistiche come chê de Svizzera? Ce cunfins varesie di vê, secont lôr, la Patrie dal Friul: la Livenze e il Timaf, o varesie di cjapê dentri dute la Region Julie se resterê a l'Italie, o di lassâi cjapê dentri da jê?

Ce organs diretîs varesino di jessi metûz a capo de Patrie e cum ce atribuzionis? Quai afâs e qualis quistions varesino di jessi tratâz indipendentementri, dai organs regionaj; e in qualis cjâsis si varesin di restâ sot dal guviâr centrâl. Interes agricui e comercij, sindatiz, scuclis, trasport, produzion local, scambi di gjenars e di materis primis cemût varesino di jessi regolâr? Cun ce mîs si podarêssal cognossi e fâ cognossi la voluntât dal popul furlan su chest cont: cun qualchi public referendum, cun tun plebiscit, cu l'organizâ un partit autonomistic ch'al vebi i siei rappresentanz a Rome?

In seguit 'o indicarî lis formalitâts par rispundî. Da chestis rispuestis, si podarâ sinti cemût ch'al bat il cûr de Furlanie in chest moment ch'al podarêss disidi de nestre siorte par cui se cetenî timp.

La lenghe 'e jê il tîrât de l'anime, il segno de razzo: leughe bastarde, anme bastarde, razzo bastardo.

damentri, 'e domandin dutis chês altris regions d'Italie e che, plui o mancul sinceramentri, 'e prometin due' i partis.

Fin a qual pont, in quale forme, al è di dîlu il popul furlan. In Friul 'e je stade formade une Associazion pe l'Autonomie, dulê che tanc' di zità e di furvie, si son notâs: altris no si son volûz notâ parê che in pareve che l'Associazion 'e fos malade di atrofie congenite. Ches-c' e chei, 'e an dal sigûr une qualchi idêe sul cont de sistemazion autonomi-

Un puar milionari

Quan'che si al contà une storie vere, al po' capità che si seugni tase in non des personis che jentria in axion, par vie che la veretât no je simpri une robe nete, di lissie... Al podarès magari saltà fûr chel tal che al à cûr di segnâti une querele par difamazion, cul fin di salvâ un non e un sorenon cent voltis impastât de cragne plui penze. No si sa mai...

Sicheduneje un cjargnel al jere lât in Americhe dal Nort i ultins agns dal secul passât. E tal prin al veve lavorât tanche un nemâl sot di chês impresis tremendis che an metode in pie l'aziende maraveuse des feradis dai Stâz Unis: robis di fâ sgrisulâ. Dopo tre agns di lavor a contrat — lavor danât — al jere rivât adare di puartâsi fûr la peleate intierle e di sparagnâ un quatri-cent dollars. Cui cheste monede e un tun fregul di furtune al veve implantât un bâr tal miez de zità, a New-York. Qualchi paisan leugonat, al favele di bassarui che j provêdevin balarinis e... artistis, raspadis fûr in Europe midiant di chês Agenzis... filantropichis che pensin a judâ lis feminis zovinis e bielutis che no cjutin lavor. Che sedi stade mo' come che il, al ven a stai che, dal 1910, il nestri socio al jere paron di chest bâr, di une grande ejase di zûe e di un altre istituzion filantropiche di chel gjenar ch'o s'intindin. Rendite di ches-c' tre centizis, no mancul — in chês volte — di doi millions di dollars, che — tant par spiegâsi — e sareassin in nê una robe come tre quintal di aur al titul dal 905 par mil: fasêt cont che dutis lis bancis talianis metudis inaleme no'nd'an tant tes lôr casses.

O rivali in Americhe, in chês epoeche, sun tun dai magnificis traspuare triestins e Compagnie di Navigation Austro-Americane: une luride carete che sepi Din cemit che no jere lade sot par vie dal gulf-stream. O fâsi la mē riverenze a la statue de Libertât di Long Island che controle il pedoli emigrant, e o antrai te City, in chês Babilonie che il fole la edavasi almancul par cont miô, ch'o vuci miôr vivi a Beivars ton cjet, pluiost che no ip chel businôr d'infîar, indulâ che al vil nome pal bēz, si mûr pal bēz... Robe d'ingomeis!

O vevi eun me une letare di presentazion par chel siôr, ch'o discorrevi prime. Lu ejatai fûr, j presentai la letare. Il galantom, prime di dut mi domandâ ce ch'o volevi di lui: che lui, biât, al jere un puaret e nol varès podût dâ mi altri lavor che chel di lavâ tazzis, pe' bocjade, e un cagnis par pognimi.

Grazie, siôr. O sai vignût egli par viodi il mont e par studiâ. No mi coventarès nuj... Veramentri si: mi coventarès di savê-dulâ ch'al è un sît di furlans di podê mangjâ e vivi a la furlane, par un pâr di mēs, ch'o vares volontât di fermâmi.

Oh, s'al è par chel — mi rispundê in chês volte, dut premuros — eoa ca, la mē ejase, siôr: lion presit, buine la spese, dut pulit... Trente dollars al mēs, ch'al viodi, anticipâz...

Benon. Ches-c' e son i trente dollars. Ch'al mi fâsi prontâ la stanze.

No ai mai capît par quale reson chel clostri mi si jere afezionât. Jo no lu podevi parâ jû; e plui mi tignivi lontan di lui, plui mi coreve daûr; e — o seugni di la veretât — mi tratave, massime sul cont de mangjadorie, in maniere di no vantâsi trop eni siei interes. Qualchi volte al cûpît!...

Une sere, pûs dis prime ch'o partîs pal Ovest, al mi comparî imburât, vu la mûse ruane come un cjoc, te ejamare.

— Ch'al sinti cheste! — dissal — Cumò demant, o lavi in bancje... Al è un cjalt che si sclope ué... O vevi metût sù i ocjaj nêvris e mi jeri fermât un lamp a tirâ flât. Anzît o vevi ancje tirât jû il cjapiel par sujâmi il zernêli. E passe tante int indafarsade par chestis stradis... E, jò no sai cui, no mi al butât dentri tal cjapiel di « cents »? Vêju chîl orobestie! Si sa po': la caritât! La caritât, capissial? A mi ch'o soi un milionari! Mi an cjapût par un puar uarp, par un pedoglos murt di fan. E alore, ce âo lavorât, ce âo scombatût, ce âo tignût cont jo. fin cumò? Par ejapû di « cents » di caritât la prime volte ch'o ai tirât jû il cjapiel pe strade!

Jo o soi partît, ma dopo qualchi mēs o soj vignût a savê che, da chel di, nissun lu à plui vedût a la casse, no si è plui interessât, nê pœ nê trop, dal bâr, dai zujadôrs e des polezzis... E tra mîs dopo al è murt cussî... cui sâ mai di ce mâl? Vadi che l'aur j jere restât sul stomi, vadi che j roseave di vèlu quistât in chês maniere, vadi che j brusave di no vèlu savût doprâ, biât milionari!

Titute Lalèle

Titute Lalèle, sindic di Surisins, al è scomenzât a tignî legrê la Furlanie, tanc' agns indaûr, cu lis cjacuradis dal lunis, su la vecje « Patrie dal Friul » di Meni Del Bianco (un giornâl di spirit e di matercâl furlans pardabon, ch'o ricuadrin simpri un simpatic, tant che no vin savût cjatâ pal nestri sjeu un non plui adât di chel).

La macfete dal sindic di campagna, cu lis sôs espressions carateristichis passadis za tal un gjenarâl, cul so fâ d'impurtanzie mortificât ogni moment da lis miseriutis de vite di ogni di, cul so morbin tignût pe cjaveze da « la jene casalinghe », cu la sô lenghe sciete che paroltri no va di fâ dal limit, par vie dal fi predi e dal capelan di Lussarie ch'al è simpri par ejase, e a fat furtune in Furlanie. Il Furlan j ejate dentri chel sintiment di umanità bonarie — un fregul maturan e un fregul malinconiche — ch'al è tal fonz de sô anime. Il pecar di Titute al spizze senza becâ, al fâs vignî la bocje da ridi senza slavorale in bocanadis vilanis, al senzie e al fâs ghiti senza sgrifignâ: insamis al à la manierute misurade dal classic humour inglês. Par cheste reson la figure dal brâf sindic e je restade simpri fres-cje, plene di risoris e anjemò vivarose, dopo tanc' agns. Dal giornâl e je passade sul lunari « Avanti » cul Brun o ch'al è rivât a tradis agns

di vite, indulâ che la pietanze de culture furlane, artistiche e storiche, mizuzade a bocognûz, e je simpri cuinzade cul tocjo de filusofie buzarone di Titute. Dal lunari e je travagnade tal diari comic e sentimentâl dal « Furlan a Vignesie », tai « Pronostics », ta lis « Fugignis » e, in qualche forme, in date la produzion dal su creator Arturo Feraglio. Cheste produzion non si è mai lassade scjafajâ dal ajur contrari de pulitiche, e a menât simpri, ancje tes anadis plui ledrosis, e a butât fûr lacôrs di teatru come « I Purcinej », « Un grop sul stomi », « La cichis di papà », « In cil e je une stela », « L'ultin di carnerâl la di Plet », « La nestre orea » e cet.; traduzioni o riduzioni des « Parabulis » dal Vanzeli o des « Flabis plui bielis » in tun lengaz limpît, plen di rispietose umiltât; e di par di, nus presentârâ, cul titul di « Can da l'ue di Titute!... » une racolte di barzelis des plui spavosis. Siche l'opare dal Feraglio e rapresente, tant ben che mai, il miôr panorama letorari in lenghe furlane di ches-c' ultins vinc' agns, insieme eun tunc significative documentazion artistiche, pardecche quasi duc' i siej lavôrs e son illustrâs da diârs dai nestris plui brâs pitôrs: Pittino, Brant, Mitri, Pellis, Cavigli.

Discon tra di nô

MENI DORDEL - UDIN.

La bandiere zale e turchine e je la bandiere de Furlanie e no chê di Tito o di Cajo. Fin cumò e je stade bandiere de provincie, ma o sperin che deventi ale di plui. Intant o vin gust di viodi le a compari pes stradis di Udin.

L. P. UDIN.

Si e je vere. L'avocat Cosatin nol è furlan: al è nasût a Città Ducale.

Piemonte al à di sedi lombart. Une vore di chei altri candidâz no son nostrans.

PRE ANTONI M.

Ch'al seusi, siôr santul: chest al è un sfuei independent, in dut e par dut. Di quistions religiosis o morâls noaltris no s'intrighin: o procurin di no urtâ i sintimenz cristians dal popul furlan, ma no intindin di fâ enenrinze a « La Vite Catoliche ». Chel brâf predi ch'al à accêt di dâ une forme uniche al lengaz ch'o doprin e ch'al trate lis quistions lingvistichis, al è responsabil nome di cheste partide filologiche e no des nestris ideis economicis, nê des statistichis su la produzion dal formadi, nê dal valor artistic o morâl des liendis o des contis (magari qualche volte, di scindon e cu la seute de proprietât linguistiche, al zir di doprâ lis finafis; ma alore o litighin!).

A. D. - PAULEET.

Grazis des peraulis cortesis e dai carantans. Lis quistions filologicis e gramaticâls nus ejâpin za avoyde puest in chest sfuei, che nol è une riviste scientifiche. E po' una gramatiche come ch'al vorev jû, e supôn za une tradizion stabilide: al è l'uso ch'al fâ la gramatiche, e no la gramatiche che creê l'uso; se mai, lu usanten e lu alargje. Insamis bisugne teri-

vi par furlan, scrivi une vore, scrivi in tanc', scrivi pulit, e cussî la lenghe si forme, si stabilis, si sclaris, e alore si pœ ancje rigjavâ une gramatiche.

La conte che nus à mandade e mostre che lui al sâ scrivi benin par furlan: ma come racont al è debilit: al mancje dentri un fat interessant, ch'al sostegni la narazion e ch'al iucjadêni l'atenzion. Il letôr furlan al zir une sostanzie sot de forme; un fregul di ues dentri de polpe, une robe inegnose che ejamini drete viars une conclusion un pœ fûr dal ordenari, massime tratansi di vite

aventurose come chê di un partigian.

A FIOR - Milan.

Biele, veramenti, la puisie che nua' à mandade. Ma lui nus met un imbroi. Par un giornâl distintât a letôrs di dut il Friul e ancje di fûr, o vin naturalmentri scugnût adotâ un unie langaz letorari eun tunc morfologic stable e uniforme. Lui invece nus scrif te varietât di Verzegnis, e tratansi di puisie nol à pussibil ritocjale. Ce vino di fâ?

Colone Filologiche

SANDRI P. - UDIN.

Lis vocâls lungis e son une des carateristichis che risoltin di plui te lenghe furlane e j dan une musicalitât speciâl, che zove une vore a temperâ la prevalenze des consonantis, e l'asprêze des peraulis ejonzadis che finissin quasi dutis in consonant. Par cheste reson o credin ch'al sedi just segnâli simpri cul cjapelut (accento circumfless), ancje se cheste maniere di scrivi e puarte qualche dificultât tal imprin e, pai stampadôrs, e forme un vèr torment.

Noaltris no olin par nissune reson distrui la fisionomie particulâr dal furlan, ancje te maniere di scrivi. Al il di che, come lis pipis e son une specialitât dal scâl, lis diressis (doi puntins) su lis vocâls e son une specialitât dal ougiarês, lis tildis (i siarpintûz su la n o su l'o) e son une carateristiche dal spagnûl e dal portoghês, i traz d'unione (liniutis fra une peraula e chês altre) dal françês, cussî i cjapelûz parsore des vocâls lungis e formaran la specialitât ortografiche dal furlan. Une volte, i antîcs n scrivevin dos vocâls: laudat, tu soos, il lavor sfadioso brut, marchees, unuf, murri; ma cheste usanze, in uè, e pararei distrani e forât e fâs plui fastidi. Paroltri no si à di fâ confusion fra vocâls lungis e vocâls duplis: par esempi: fantâsie, strie, mie, al plurâl e van scritis fantasîis, striis, miis, par vie che cull si trate di doi i e nu di un i lunc: un i al parten e' la dris de peraula e un e terminazion. Cussî ancje famee, idée, Aquilée, mi comêr, che par antie e jerin fameje, Aquileje, conseje. Invezit lis vocâls: durmît, amôr, siôr, mēs si son slungjadis cussî, par compensâ la cjadude des silabis finâls che jerin tal latin.

BLAVE DI MORTEAN.

Oh là! E je ore di ejatâ un ch'al à un fregul di bernocul filologic. Il reconament che nus fâs su la maniere di scrivi il plurâl di chest, imprest, dut, tant, e cet., al fide dret come un pipin. Tant al è vèr che lu vevin fat ancje nò. Ma par metilu in pratiche al'ores v' dafâ nome cui filologos che sepin resonâ su lis robis. Invezit i furlans e son intrigâz a lèi di cussî. Tros saressim i letôrs che ejataressin just ch'o scrivessin: checj, tancj, ducj? Magari cussî no nus tocje di tignûi un fregul in belanze fra la logiche linguistiche e l'incompetenze dal profan: e si sa che nol è lazil ejatâ simpri il

pont just tal miez. Nol è nome chest cās, and'je tanc' altris indulâ ch'o vin combinât un adament enitri stomi, par no fâ nuvitâz che urtarassin il vòl e forsit e restareassin un misteri. Vadi che si podarès al plui provâ a scrivi scjapule, discedenât, come ch'al propon lui: po' stai che fin li i letôrs e rivin.

E sul cont dal j pronon (talian gli, le), si podarès discori un pâr d'oris. Prime di dut o rispundarin che in chest cās o vin adotât propri la forme tradizional, almancul da Zorut in ca, gjavant la pôstrofe ch'al dopre Zorut (j) che no savin re che il di. Ch'al provi a confrontâ. Ma cull e ven tai pis une question general: si varressin di doprâ il j eun tun criteri fonetic, cal ven a jesi come semivocâl, o eun tun criteri morfologic, ch'al il di par distorenziâ il valor des peraulis? Se lu doprin eun criteri fonetic alore bisugne scrivi, par esempi: ju tant come pronon (ju vîd = li vedo) che come averbio (bute ju = getta giù): e je tant par aglie-lan (je âi contade) come par â (lemma: un je vere); e nus vegnin fûr nome partiz. E par eunseguenze, s'o scrivin come ch'al dis lui: i parial, se i salte, o seugnin scrivi ancje: i sunâs (gli suonate, n i sonagli?), i siei (gli sego o i suoi?), i voi (gli vado o gli occhi?) i dis (gli dico o i giorni i dieci?) Viodial ce confusion che nâs. E po', nol è vèr che il pronon pleonastie (o particule pronominâl) denant di un verbo e seuen simpri jesi: par plui cheste particule e scomparis quan ch'and'je za un altre; nol coventete di: al si voltâ, je e na saveve, o' jal vês dit, je ju mangin, o nus al disêis; al baste di: si voltâ, je no saveve, jal vês dit, ju mangin, nus al disêis. Al parial al è un sbalgio parzê che l'al in chest cās al è za zontât daûr dal verbo, par creâ la forme interrogative. (E nol è vèr che il pronon i o j al risulti de contradizion dal latin ei, che non jere doprât tal latin volgâr; al derive da illi, come il plurâl ur, — talian loro — al derive dal genitîf illorum). In conclusion su chest pont o sin e o restin intrigâz a disgredeâ il vulûz, a o lin indevant secont la tradizion, che nus mène ca e là, a cās n a caprizzi. No si pœ fâ altri: lis regulis si rigjavin dal uso e no l'uso da lis regulis, o dai resonamenz.

Di chestis incoerenzis s'in ejate in dutis lis lenghis.

Là di Florêt - Udin

DI FRONT DE PÛESTE GRANDE

Bicicletis Legnano, Wolst cu lis gomis par duc' - Balons
Scarpis - Maions - Dut chel ch'al covente pal Sport

Doi milioni di furlans pal mont!

Vôs furlane da lontan....

Qualri momenz

Co' la jarbe 'e lûs di gionde
a l'é blanc il cerasâr,
vun i frûz a fâ pivôis
cu lis gimis da'l morâr.

E d'istât su la stangjade
Lîne 'e spiete il so marôs.

Pe cueline une vilote
si slontane a mieze vôs!

Ma cumò che la fumate
si dispieje jù da' crès,

oh un gràn malincunîe
che nus passe fin su' i vuês...

Dut si sbiance. 'O sint a movi
une dâlmîns di ornâr:

jé la mame; cu lis s'cjelis
'e ten vîf il fogolâr....!

Milan, 3 di avrîl '46.

ADALGISO FIOR

LETURIS DI PUISIE FURLANE

AL CIRCUL ARTISTIC

Cul se mai parê che i Furlans di alit 'e son must rîfîta a tû a gioldi un fregul di chû pûile nostrane, metode jû te nestre lenghe, cum tante modestie e senza pretîsîs ma anche cum tante grâsîe e biele manîere? La pûile furlane 'e à une stôrîe seculâr: no à creât il capolavôr d'indomine universâl, ma cu la sô route simpide 'e a puartâ un nîm di legrie o di passion a dutis lis generacions dai nestris viei; e in sornade di tû 'e je la plûs vive e fecon, de di dutis lis produzionis idiomatichis, tant talianis che ladîns. Si scomenzâ dal Mî e trestîe — e forsit, cum qual che laude sece, dal Mî e dinstîe — e si ven fin si tanc' scritôrs ançjemò vîs, sense che nissun etât 'e nodi stade eîdine; e plûs di qualchi pagine 'e rive a un nivel di bieleze e di finesse, che parêrès impussibil cum tunc lenghe che nissun à mai oîlt cjapâle sul serio.

Chesta settemane passade il Circul Artistic Furlan al à vude la biele idêe di scomenzâ a presentâ un quadri intir de nestre pûile, da lis vilotis a cantilenis plûs aurighis intremal al campionari dai vivens. Une sîelte fate cum criteri, une presentazion svelte e sîelte dal dot. D'Arconio, une recitazion atente, culuride e sauride di O. Valerio 'e son stadi scolâtis cum dut il gust dal public, che, scorsut la prime sere, si è ingulust e al è diventât simpri plûs numerôs te seconde. Un'altre leture 'e sarâ fate martars 12 di avrîl.

Ma l'iniziativa 'e merte une laude e une sburtade par che puêdi svilupâsi e cjapâ dentri anche la proe e il teatro: parêr che in chestis robis — par dîle come che je — 'o vin dibisugne di jessi duc' rieducâ.

I frutâz o lis frutatis che si vergôgn dal parî operari o de mari contadine, al è just che 'si vergôgn anche de lenghe furlane: 'e je che debolezze stesse.

Cui che nol à la sô lenghe sul lavris, nol à nancje la sô Patrie tal cûr. Robe di butâ te scovezzere.

Ai Fradis lontans

ZUAN DE SABATA, 1036 P.O.B.
NEW YORK, U.S.A.

Tanc' salûz di Mariute e di Meni. Sperin che tu puedis mandâ-nus alc, parcêche chi 'e va mâl une vore. Toni al è disocupât. Mandi.

Tô sôr Vire.

IDE FOS-CJATE in Sanjarjo. Cal. le Cordoba 1826 (BUENOS AY. RES (Republ. Argentina).

Nu je di straordenari in pais; si discôr di torû a tirâ fûr il bajûl e la pal mont, s'at è pussibil. In compens, miedi, marescial, segretari e dês maestris 'e son di chei pais... Ca 'e je simpri chês storie: la storie dal cuc ch'al fâs i ûs tal nît di che' altris. Mandi. Ti scriva-rai anche une letare.

To fradi Arturo.

MARIA BENASSI, Calle Sarmiento 386. SALTA (Repubblica Argentina).

To pari si è rimîtût un pûc: ma par vie da l'etât non si pò pretin-di plûs di eussî. 'O vin pajade l'impoteche de cjase: ma 'o vin bisugne par chel altri alâr. Ti spiegarai par letare. Di ce che in domandis, no si sa nuje: 'o credin ch'al paj.

To madone.

ADELE DELLI ZOTTI, Rue Clamart 36 PARIS (25).

Tanc' salûz di Rico, Jacum e dai fruz di Vigjote. Sperin di tornâ a viodis: anche nò in France, parcè cul no si cjate lavôr.

RAFAEL MINGOT, Rue de la Republique 536. TUNIS (Tunisie).

Nol è ançjemò permetût di puartâ famis in Tunisie. Al Con-

sulât mi àn dît di spietâ, che chest mès 'e daran il nûf. Mario narît dal dat. Ti bussi

La tô femine.

MENI BENEDET. Hotel de la Gironde Rue Dimpère 112 BRIL. XELLES (Belgique).

'O spietin c'è tu nus scrivis, dopo tantis letaris ch'o ti vin mandadis. Se tu vessis un fregul di cûr no tu mi lassarêssis tant in pînsir.

La tô femine Luzie.

ZEFIRINO DEL NEGRO. Abdah el Hamir. Port Suakim (Egypt).

Dopo tanc' agns nus jè rivade la tô letare. Che Din sedi benedet! Anche nò in salû. Duc' ca 'o vivin tu pûs erodi cemût, dopo dutis chês robis. Vinicio al è diventât un fantazzon. Nene 'e à vît mâl l'un voli. La none 'e je tan'che un rôl. Scrif anche pal alâr de cjase.

Tô sôr.

CAMILLO KOREN, Calle Chachabuco 185 PUNTA ARENAS (Patagonia).

'O vin ricevude la tô prime letare a anche un pac. Il pês declarât al jere di cinc chilos, ma lu vin controllât e nol rivave a tre! Si viôt che in Italie j'ân passade la visite. Grazie tant. Biefissime la lane: la vin dade a tô marî. Di cafè nol rivave mîz chilo e lu vin dât a Toni di Rose. Il rest tu vin tignût par nò. Ti mandarai simpri il nestri stuej e Patrie dal Friul a.

GUERRINO EISA, Rue de la Paix. REIMS (France).

Tanc' salûz di duc'. 'O vin savût di Mariane. Apene che nus dîn il permes 'o lassarin la Ciar-gue ai talians: viodarin se lôr 'e sudarân tan'che nò par pajâ tass e no vè avonde polente di mangjâ.

Tô fradi Vigî.

Notizis sportivis

La Sezion Furlane de l'U.O.E.I. sul Quarnam

Domeni passade la Sezion Furlane de l'U.O.E.I. 'e à inaugurât il so programe di viarte cum tunc biele passonade sul Quarnam. I escursionis-c' 'e son lîz sò par Glemone e tornâz par Sante Marie Madalene e Tarzint. Percors lungjut, ma facil, come ch'al va ben par une cjaminade di alenament; zornade indivinade, serene, simpide, clipe; biele visibilitât; un grum di legrie; bon il scîp di verdûz scolât a Tarzint; une buine stracade; un fregul di cjar crete tes gjambis l'indoman e un bon proponiment di tornâ plûs prest che si pò su pes nonz de Furlanie.

lenza, interrompere: es. mi à cjonzât il discors.

CONTE: tal. racconto, narrazione; o anche: favola, leggenda.

CUMO' DENANT (UEDANT, MODANT): tal. dianzi, un momento fa.

FUMUL: colôr grîs scâr.

INONIME: tal. fama, nomea, notorietà.

MENA' (quan'che si fevele di jarbis, plantis) tal. vegetare, mettere gemme o rampolli.

PATUS: fruzzon di pae o di len; anche s'-cjarnum di jarbatis o di palât.

RESENTA': propriam. risciacquare, togliere la saponata.

FARMIS: in fazzo, cuintri; es.: il gjat mi è saltât parmis.

SAVOLTA' (lat. sub volutare) volta cui pis par ajar, butâ sottore.

SCUZIA': tal. solleticare.

SPESE (tod. speisen) in ches câs; la mangjative, tal. il vitto.

SPREZZASI: viarzisi, sclopâ, sclopâsi (di une robe masse sgionfe o tirade).

Dottor Vittorio Gasperet
Diretor Responsabil
Stamparie Marioni e Sassi Udin

PERAULIS DIFIZILIS

Chesta 'e je la spiegazion des peraulis manco usuals o dopradis cum significât particulâr in chest stuej:

CADAVERINIS: sostanzis infetis che si svilupin de putrefazion di un cadavar.

CAGNIS: cucjete rustighe, senza gjambis, tal. giaciglio, canile.

CJONZA': tal. troncare con vio-

DITE P.A.M. UDIN

Vie Pauli Cancian - Cianton Cavour

ONBRENIS - CIALZIS
VALISIS - BORSETIS

Volêso salût giujait di BALIS
un vin di ogni misure ca di FLORET
Dongje de Pueste Grande

Dofôr Marchi
DENTIST
Vie Vittorio Veneto N. 32



SCARPIS

per omp e femine des grandis marchis

VIBRAM e DOLOMIT

Suele di coreân e gome original
dut ce cal covente pes squadris di balon

CANIN

Via Vittorio Venûl 6 - UDIN

DITE
MARIO ZANUTIN
DI PERSEO

PITOR DECORATOR

e qualunque lavôr in piture

Contrade Ciastelane 46 - Telefôn 98

Becadis di pulz

Villio di votacions a Udin: i sfueja 'e stampin, i mûrs 'e fevêlin, i oratôrs 'e sberghelin. 'E jé la vôs dal Dotôr Dulcamara multiplicate par cent. S'ò rivassin adare, par un moment sôl, di diventâ ingennos come frutins, di cjapâ sul serio chest ocean di peraulis, di erodi almanec un fregul a dutis chestis robis, 'o restaressin instupidiz. Manifes-c' blancs, ros, zai, turchins o di plûs colôrs 'e prometin duc' chês robis istessis: autonomie comunâl, ricustruzion, lote e' disocupazion, justizie tessassî, amnistiazion onestissime... E alore, s'è son duc' dacordo cusî ben, parcè si sbûrtino de hande un cul altri? E s'ò lin a sintî i discors dai cumizis, s'ò leiz lis polemichis sui giornaj, 'o ejatin che duc' i partîs si sputânin, si am-sin, si criticin, si muârdin, si sbridin... Cjalât po' ce rubis: duc' dacordo e duc' nemis.

L'alâr serio al è che no si pò diventâ frutins a volontât. E alore 'o atin a ejalî cu la boeute da ridi.

Il cinc di chest mès in Prefetura 'e sares stade cjapade l'incognôse decision di domandâ al guviâr il grant benefizi di spedî pal mont chei 60.000 furlans e cjar-gnej che son disocupâz. Buine

l'idêe: mandâ a fâsi benedî la int che domandê lavôr e no caritât! E duc' i progjex par centenârs di millions ch'è revin di jessi metûz in vore propri te viarte? Si capis: i progjex de siarade 'e revin di cuninâ la fan dal unviâr cu la speranza de viarte e dal istât: cusî lis quatri stagions si judin une cu l'altre. E cusî, dopo di vè votât, l'operari furlan la cjape tes cuestis: bajûl o proanc, e avanti pal mont; e domandâ al guviâr la grazie di jessi cedûz in cont di riparazion a qualchi altri stât.

Ma and'je un'altre di dîsi: la pal mont uè nol è facil, massime par nò, dopo ch'è biele indomine che si è fat il talian. Al po anche stai che dopo presentât l'«ordine del giorno» in Prefetura e la suppliche a Rome i lavoradôrs disocupâz 'e vebin di adattâsi a la tale pai fossai, par parâ vie il rûsin dai din'...

Paraltri par chei 5000 disocupâz di Andrie in Pulie, che an alzade la vôs in tun'altre maniere, il Guviâr al à proviedût di colp, senza mandâju pal mont. Ma no altris no sin terons, 'o sin int calme e di chês voris no'ndi cunubînin. Ma si scugne ben fâsi sintî in qualchi maniere par vè la horjadel...